



Broj: 17-sl/19-14
Ilidža, 31.07.2019.godine

OPĆINSKI NAČELNIK



SAGLASNOST:

prof.dr. Senaid Memić

PREDMET: Davanje saglasnosti Općinskog načelnika na
materijal za sjednicu Općinskog vijeća

U prilogu Vam dostavljamo materijal koji je izradila Stručna služba za poslove Općinskog vijeća kako bi na isti dali svoju saglasnost i to:

- Prijedlog Odluke o izmjenama i dopunama Odluke o osnivanju stalnih radnih tijela Općinskog vijeća Ilidža



PO OVLAŠTENJU
OPĆINSKOG NAČELNIK

Azreta Grebović, dipl.pravnik

DOSTAVLJENO:

1. Naslovu
2. a/a





Na osnovu člana 26. Zakona o lokalnoj samoupravi – prečišćeni tekst („Službene novine Kantona Sarajevo“, broj 22/00), Općinsko vijeće Ilidža na 31.redovnoj sjednici održanoj dana 10.07.2008.godine, donijelo je

O D L U K U
O OSNIVANJU STALNIH RADNIH TIJELA
OPĆINSKOG VIJEĆA ILIDŽA

Član 1.
(Predmet)

Ovom odlukom osnivaju se stalna radna tijela – komisije Općinskog vijeća Ilidža (u daljem tekstu: komisije), utvrđuje njihov sastav, broj članova, djelokrug i način rada.

Član 2.
(Komisije)

Općinsko vijeće Ilidža (u daljem tekstu: Vijeće) ima slijedeće komisije:

1. Komisija za izbor, imenovanja i pitanja ravnopravnosti spolova
2. Komisija za Statut i propise
3. Komisija za budžet, privredu, finansije i ekonomska pitanja
4. Komisija za imovinsko-pravna pitanja i stambene poslove
5. Komisija za prostorno planiranje, mjesne zajednice, komunalne poslove i ekologiju
6. Komisija za zaštitu ljudskih prava, predstavke i prijedloge
7. Komisija za obrazovanje, kulturu, fizičku kulturu i pitanja mladih
8. Komisija za boračka pitanja, rad, zdravstvo i socijalnu politiku
9. Komisija za saradnju sa drugim općinama, nagrade, priznanja, praznike i obilježavanje značajnih događaja i ličnosti
10. Drugostepena stručna komisija
11. Etička komisija
12. Komisija za planiranje općinskog razvoja

Član 3.
(Imenovanja komisija)

- (1) Komisije imaju predsjednika i četiri člana i imenuju se na prijedlog Komisije za izbor, imenovanja i pitanja ravnopravnosti spolova, nakon konsultacija sa parlamentarnim strankama u Vijeću, vodeći računa o ravnopravnosti spolova i njihovoj stručnosti za poslove iz djelokruga rada komisije u koju se imenuju.
- (2) Predsjednici komisija imenuju se iz reda općinskih vijećnika.
- (3) Članovi Komisije za izbor, imenovanja i pitanja ravnopravnosti spolova imenuju se iz reda općinskih vijećnika.
- (4) Mandat komisija traje koliko i mandat Vijeća koje imenuje komisiju.
- (5) Nespojive su funkcije predsjednika i članova komisije sa zvanjem državnog službenika i namještenika Jedinog općinskog organa uprave Općine Ilidža.

Član 4.
(Nadležnosti komisija)

Komisije vrše poslove iz oblasti za koju su obrazovane i to:

- (1) Komisija za izbor, imenovanja i pitanja ravnopravnosti spolova:**
 - a) utvrđuje prijedloge za izbore, imenovanja i razrješenja iz nadležnosti Vijeća vodeći računa o ravnomjernoj zastupljenosti spolova;
 - b) saraduje sa parlamentarnim strankama u Vijeću, pribavlja njihova mišljenja i stavove vezano za izbore, imenovanja i razrješenja iz nadležnosti Vijeća;
 - c) predlaže Vijeću u skladu sa zakonom i Statutom Općine donošenje akata kojima se regulišu plaće, naknade i druga pitanja izabranih zvaničnika Općine, kao i naknade za vršenje funkcije vijećnika, komisija i drugih organa;
 - d) razmatra statusna pitanja i donosi rješenja iz radno-pravnog odnosa izabranih zvaničnika Općine;
 - e) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
 - f) obavlja poslove verifikacije i prestanka mandata vijećnika u skladu sa Izbornim zakonom BiH;
 - g) prati i promovira ravnopravnu zastupljenost spolova na nivou Općine;
 - h) prati statističke podatke prikazane po spolu za članove Vijeća i sva imenovanja iz nadležnosti Vijeća, i o istom informiše Vijeće;
 - i) izrađuje programe i planove radi poboljšanja spolne zastupljenosti u Vijeću, Komisijama, povremenim radnim tijelima Vijeća i svim imenovanjima iz nadležnosti Vijeća;

- j) ostvaruje saradnju sa Gender centrom FBiH i nadležnim institucijama na svim nivoima vlasti, sindikatima i udruženjima građana, koji se bave pitanjem ravnopravnosti spolova;
- k) obavlja i druge poslove u skladu sa zakonom.

(2) Komisija za Statut i propise

- a) prati primjenu Statuta, odluka i drugih akata iz nadležnosti Vijeća i inicira izmjene i dopune istih u skladu sa važećim zakonima;
- b) prima i razmatra inicijative za donošenje izmjena i dopuna Statuta;
- c) prima i razmatra inicijative za donošenje odluka i drugih akata iz nadležnosti Vijeća i svoj stav dostavlja nadležnim službama Općine;
- d) razmatra nacрте i prijedloge odluka i akata iz nadležnosti Vijeća i utvrđuje prijedloge istih;
- e) razmatra opće akte organa i institucija na koje Vijeće u skladu sa zakonima daje saglasnost i o istim daje svoje mišljenje Vijeću sa aspekta usklađenosti sa zakonima koji uređuju određenu oblast;
- f) utvrđuje prečišćene tekstove odluka i drugih akata Vijeća kad je Vijeće na to ovlasti;
- g) utvrđuje prijedlog teksta autentičnog tumačenja odluka i drugih akata Vijeća nakon pribavljanja pismenog izjašnjenja nadležne službe za upravu;
- h) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- i) daje amandmane na odluke i druge akte koje donosi Vijeće;
- j) vrši i druge poslove u skladu sa zakonom i Statutom.

(3) Komisija za budžet, privredu, finansije i ekonomska pitanja

- a) razmatra nacrt i prijedlog budžeta, izvještaje o izvršenju budžeta, završni račun Općine i druge akte iz oblasti finansija;
- b) razmatra ostvarivanje planiranih prihoda Općine kao i pitanja raspolaganja i korištenja budžetskih sredstava od strane korisnika budžeta;
- c) razmatra izvještaj o radu javnih ustanova kojim je osnivač općina;
- d) razmatra izvještaje o obavljenoj reviziji Općine i zauzima svoj stav o istom;
- e) daje inicijative Vijeću i nadležnim organima za izmjenu važećih propisa koje uređuju pitanja prihoda jedinica lokalne samouprave;
- f) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- g) razmatra odluke i druge akte iz oblasti privrede, a posebno oblasti male privrede i samostalnog privređivanja i inicira donošenje i izmjenu propisa u ovoj oblasti.

(4) Komisija za imovinsko-pravna pitanja i stambene poslove

- a) razmatra prijedloge akata o regulisanju imovinsko-pravnih odnosa iz nadležnosti Vijeća, kao i druge akte raspolaganja gradskim građevinskim zemljištem;

- b) razmatra prijedloge akata za sticanje i raspolaganje imovinom Općine uz prethodno pribavljeno mišljenje Pravobranilaštva Općine;
- c) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- d) razmatra prijedloge odluka i akata iz stambene oblasti iz nadležnosti Vijeća;
- e) razmatra izvještaje o radu Pravobranilaštva Općine;
- f) ostvaruje stalnu saradnju sa Pravobranilaštvom Općine u cilju pravne zaštite imovine i imovinskih interesa Općine i razmatra pitanja korištenja, upravljanja i raspolaganja gradskim građevinskim zemljištem;
- g) obavlja i druge poslove iz djelokruga svog rada.

(5) Komisija za prostorno planiranje, mjesne zajednice, komunalne poslove i ekologiju

- a) razmatra prostorno-plansku dokumentaciju koju donosi Vijeće, kao i programe stambene, poslovne i druge izgradnje;
- b) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- c) prati stanje u oblasti prostornog planiranja na području općine i u saradnji sa nadležnom službom za upravu daje prijedloge Vijeću za razvoj i unapređenje ove oblasti;
- d) prati ostvarivanje prava građana na lokalnu samoupravu utvrđenih Evropskom poveljom o lokalnoj samoupravi, zakonom, statutom i drugim propisima;
- e) razmatra pitanja od značaja za razvoj mjesne samouprave;
- f) podstiče saradnju mjesnih zajednica na rješavanju pitanja od zajedničkog interesa za građane;
- g) razmatra odluke i druge akte mjesnih zajednica iz nadležnosti Vijeća, kao i izvještaje i programe rada mjesnih zajednica;
- h) prati i analizira stanje o uslovima stanovanja i uređenja građevinskog zemljišta, a posebno izgrađenosti lokalne infrastrukture (lokalnih cesta, puteva, lokalnih mostova, objekata za snabdijevanje pitkom vodom, održavanje komunalne higijene, distribucije i održavanja lokalne električne mreže);
- i) prati i analizira stanje čistoće javnih površina, održavanje parkova, igrališta, odvoz i deponovanje otpadaka;
- j) razmatra inicijative za osnivanje javnih preduzeća iz oblasti komunalne djelatnosti;
- k) dostavlja Općinskom vijeću informacije o stanju u ovoj oblasti i predlaže mjere za poboljšanje stanja;
- l) prati stanje i probleme od značaja za zdravu čovjekovu sredinu i estetsko uređenje općine, a posebno: urbani razvoj općine, stanje industrijske tehnologije, komunalne higijene, očuvanje ekološke ravnoteže i zaštite okoliša, razvoj turizma, očuvanje zelenila, nasada, izvorišta i predlaže mjere za poboljšanje stanja u ovoj oblasti.

(6) Komisija za zaštitu ljudskih prava, predstavke i prijedloge

- a) razmatra pitanja ostvarivanja i zaštite sloboda i prava građana, a posebno pitanja vezana za kršenje sloboda i prava od strane općinskih službi za upravu, i institucija koja vrše javna ovlaštenja iz nadležnosti Općine;
- b) ukazuje na pojave i probleme u ostvarivanju i zaštiti ljudskih prava i sloboda i predlaže mjere Vijeću u cilju zaštite ljudskih prava i sloboda;
- c) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- d) prati ostvarivanje ljudskih prava i sloboda iz oblasti ostvarivanja vjerskih potreba građana i slobode djelovanja vjerskih zajednica u skladu sa Ustavom i zakonom;
- e) razmatra i druga pitanja iz oblasti zaštite ljudskih prava;
- f) razmatra predstavke i prijedloge građana, pravnih lica i političkih stranaka, ispituje putem nadležnih općinskih službi osnovanost predstavki i prijedloga, zauzima svoj stav, i nadležnim službama predlaže preduzimanje zakonskih mjera i o tome obavještava podnosioca u skladu sa Zakonom o postupanju sa predstavkama i prijedlozima;
- g) podnosi najmanje jednom godišnje Vijeću izvještaj o radu u postupanju sa predstavkama i prijedlozima sa ocjenom stanja i prijedlogom mjera;
- h) osatvaruje saradnju sa drugim srodnim komisijama i tijelima i međunarodnim organizacijama koje se bave pitanjima iz nadležnosti ove Komisije.

(7) Komisija za obrazovanje, kulturu, fizičku kulturu i pitanja mladih

- a) razmatra pitanja iz oblasti obrazovanja, kulture, fizičke kulture i predlaže mjere za unapređenje stanja u ovoj oblasti;
- b) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- c) razmatra pitanja stanja obrazovnih i kulturnih ustanova i ustanova fizičke kulture, njihovog razvoja i predlaže mjere za poboljšanje stanja;
- d) prati ostvarivanje prava mladih i njihovo organizovanje sa ciljem stvaranja uvjeta za njihovo afirmisanje u Općini u svim oblastima života i rada;
- e) ostvaruje potrebnu saradnju sa nadležnim institucijama koje se bave pitanjima mladih.

(8) Komisija za boračka pitanja, rad, zdravstvo i socijalnu politiku

- a) razmatra informacije, izvještaje i analize stanja iz oblasti pitanja boraca i daje inicijative za potpunije ostvarivanje prava iz ove oblasti;
- b) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- c) analizira stanje u ovoj oblasti i podnosi Vijeću prijedloge za rješavanje problema;
- d) saraduje sa boračkim udruženjima građana sa područja općine Ilidža;
- e) razmatra stanje u oblasti zdravstva, dječije i socijalne zaštite, a posebno uslova za efikasnije ostvarivanje društvene brige o djeci u pogledu obrazovanja i odgoja, preventivne zdravstvene zaštite i predlaže mjere za poboljšanje stanja.

(9) Komisija za saradnju sa drugim općinama, nagrade, priznanja, praznike i obilježavanje značajnih događaja i ličnosti

- a) razmatra pitanja ostvarivanja saradnje sa jedinicama lokalne samouprave u Bosni i Hercegovini i inostranstvu i o istom dostavlja svoj stav Općinskom vijeću i Općinskom načelniku;
- b) prati ostvarivanje potpisanih akata o saradnji sa jedinicama lokalne samouprave, predlaže mjere za unapređenje saradnje i o navedenom obavještava Vijeće;
- c) razmatra prijedloge i inicijative za dodjelu općinskih nagrada i priznanja ustanovljenih odlukom Općinskog vijeća;
- d) razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije;
- e) razmatra inicijative i prijedloge za podizanje spomen obilježja (ploče, biste, spomenkuće) na području općine Ilidža;
- f) razmatra inicijative za davanje imena ulicama, trgovima, parkovima, mostovima, institucijama i ustanovama na području općine Ilidža i o istom stav dostavlja Vijeću;
- g) učestvuje u organizovanju i obilježavanju značajnih događaja, datuma i ličnosti za Kanton Sarajevo i Općinu Ilidža.

(10) Drugostepena stručna komisija

- a) Drugostepena stručna komisija (u daljem tekstu: Komisija) je drugostepeni organ i nadležna je da rješava po žalbama stranaka kada je u prvostepenom postupku rješavano na osnovu Statuta ili propisa Općinskog vijeća Ilidža, a u okviru isključivih prava i dužnosti Općine.
- b) Komisija ima predsjednika i četiri člana koje imenuje Općinsko vijeće na prijedlog Komisije za izbor, imenovanja i pitanja ravnopravnosti spolova, putem javnog konkursa iz reda diplomiranih pravnika sa položenim stručnim upravnim ispitom i dugogodišnjim iskustvom u radu, a u skladu sa Zakonom o ministarskim, vladinim i drugim imenovanjima Federacije BiH.
- c) Vijeće donosi odluku o objavljivanju javnog konkursa za imenovanje predsjednika i članova ove komisije.
- d) Komisija je dužna Općinskom vijeću dostavljati tromjesečne informacije o svom radu, kao i najmanje jedanput godišnje da Vijeću podnese izvještaj o radu sa ocjenom stanja i prijedlogom mjera u kojem će se ukazati na uočene probleme u primjeni općinskih propisa.

(11) Etička komisija

- a) Etička komisija ima predsjednika i četiri člana koje imenuje Općinsko vijeće na prijedlog Komisije za izbor, imenovanja i pitanja ravnopravnosti spolova, i čine je dva člana iz reda općinskih vijećnika koji ne mogu biti iz iste političke partije, dva člana civilnog društva i jednog člana iz reda građana.
- b) Etička komisija je nadležna da:

- 1) prati i analizira rad izabranih zvaničnika Općine Ilidža: vijećnici, članovi radnih tijela – komisija Vijeća, općinski načelnik, općinski pravobranilac i zamjenik općinskog pravobranioca, te ukazuje na pojave kršenja Etičkog kodeksa izabranih zvaničnika (u daljem tekstu: Kodeks);
 - 2) razmatra podnesene pismene prijave za sve oblike kršenja pravila Kodeksa;
 - 3) vodi postupak po podnesenoj prijavi, ispituje njenu osnovanost i odlučuje da li postoji povreda Kodeksa u konkretnom slučaju;
 - 4) u slučaju ustanovljene povrede Kodeksa donosi odluku o izricanju mjere u pismenoj formi sa obrazloženjem;
 - 5) jednom godišnje izvještava Općinsko vijeće o svom radu;
 - 6) savjetuje izabrane zvaničnike Općine Ilidža i druge zainteresovane strane o svim pitanjima koja se tiču Kodeksa;
 - 7) prima inicijative za izmjenu i dopunu Kodeksa kao i predlaže Općinskom vijeću izmjene i dopune Kodeksa ukoliko se za tim ukaže potreba, a na osnovu stečenih iskustava u radu Komisije;
 - 8) organizuje i realizuje promociju Kodeksa;
 - 9) vodi evidenciju o izrečenim mjerama;
 - 10) obavlja i druge poslove i zadatke koje Komisiji povjeri Općinsko vijeće.
- c) Način rada, postupak odlučivanja i izricanje mjera Etičke komisije, te druga pitanja koja se odnose na rad i funkcionisanje Komisije, uređuje se Poslovníkom o radu Etičke komisije.

(12) Komisija za planiranje općinskog razvoja

- (1) Komisija za planiranje općinskog razvoja (u daljem tekstu: Komisija) ima predsjednika, 15 članova i sekretara.
- (2) Općinski načelnik, predsjedavajući Općinskog vijeća i pomoćnik općinskog načelnika za privredu i finansije su članovi Komisije po položaju.
- (3) Općinsko vijeće na prijedlog Komisije za izbor, imenovanja i pitanja ravnopravnosti spolova imenuje Komisiju od predstavnika lokalnih vlasti, mjesnih zajednica, obrazovnih institucija, poslovnog/privatnog sektora, civilnog sektora sa područja općine Ilidža
- (4) Članovi Komisije se biraju iz područja ekonomskog razvoja, obrazovanja, socijalne odnosno zdravstvene zaštite, civilnog odnosno NVO sektora, zdravstva i drugih područja bitnih za ključni općinski dugoročni interes.
- (5) Komisija je nadležna da:
 - prati i ocjenjuje implementaciju Strategije razvoja Općine Ilidža za period 2008.-2013.godine (u daljem tekstu: Strategija);
 - lobira i mobilizira različite izvore finansiranja kako bi doprinijeli različitim aspektima realizacije Strategije;

- promovira partnerstvo između javnog i privatnog sektora i razvoj privatnog sektora u općini;
- nadgleda korištenje odobrenih sredstava i prijedloge za prioritiziranje projekata koji će dobiti donatorsku potporu;
- izrada akcionih planova sa projektima i budžetima (identifikacija prioriternih projekata, budžeta i potencijalnih izvora za finansiranje projekata);
- saraduje i razmjenjuje informacije sa drugim općinama koje imaju usvojene strategije lokalnog razvoja, regionalnim i državnim tijelima;
- vrši ocjenu i usaglašavanje glavnih strateških pravaca Strategije u skladu sa novopropisanim potrebama;
- obavlja i druge poslove po nalogu Upravne grupe.

- (6) Komisiju vodi Upravna grupa koja je glavni dio Komisije i ima pet (5) članova.
- (7) Članovi Upravne grupe su predsjednik i sekretar Komisije, općinski načelnik, predsjedavajući Vijeća i pomoćnik općinskog načelnika Službe za privredu i finansije i odgovorna je za koordiniranje sveukupnog rada Komisije.
- (8) Predsjednik Komisije saziva i organizuje sastanke po potrebi, a najmanje svaka dva mjeseca.
- (9) Sekretar Komisije vodi zapisnike sa sastanaka, dostavlja ih svim članovima Komisije i obavlja stručne i administrativno-tehničke poslove za potrebe Komisije.
- (10) Komisija donosi svoj Plan rada koji sadrži aktivnosti, vremenske rokove za realizaciju istog i očekivane rezultate, a dužna je Vijeću dostaviti tromjesečne izvještaje o svom radu.

Član 5. **(Predsjednik Komisije)**

- (1) Predsjednik Komisije:
 - a) pokreće inicijativu za razmatranje pojedinih pitanja iz djelokruga rada Komisije;
 - b) saziva sjednice;
 - c) predlaže dnevni red sjednice;
 - d) predsjedava sjednicom;
 - e) stara se o izvršavanju zaključaka Komisije;
 - f) saraduje sa predsjednikom, zamjenikom i sekretarom Vijeća vezano za rad i aktivnosti Komisije;
 - g) potpisuje akte koje donosi Komisija;
 - h) obavlja i druge poslove iz djelokruga rada Komisije.
- (2) Predsjednika Komisije u slučaju njegove odsutnosti zamjenjuje član Komisije kojeg odrede članovi Komisije.

Član 6.
(Sazivanje sjednica komisija)

- (1) Sjednice komisija se održavaju po potrebi, a obavezno kada treba razmatrati materijale iz svoje nadležnosti koji su na dnevnom redu Vijeća.
- (2) Sjednice komisija mogu se održavati i kada treba razmatrati i druga pitanja iz svog djelokruga, a koja nisu na dnevnom redu Vijeća, uz konsultaciju sa predsjedavajućim, zamjenikom i sekretarom Vijeća.

Član 7.
(Način rada komisija)

- (1) Komisije rade u sjednicama koje se protokolišu i obilježavaju rednim brojem.
- (2) Sjednicama Komisije obavezno prisustvuje predstavnik službe za upravu koja je nosilac izrade materijala, nacрта odnosno prijedloga odluke ili drugog akta koji se razmatra.
- (3) Komisije mogu zauzimati stavove o pitanjima iz nadležnosti svog djelokruga ako sjednici prisustvuje većina članova Komisije, a usvajanje stavova vrši se većinom glasova ukupnog broja članova.
- (4) O radu sjednice Komisije vodi se zapisnik, koji sadrži samo osnovne podatke o radu na sjednici, donesene zaključke i stavove.
- (5) Svi tonski zapisi i zapisnici čuvaju se u arhivi Vijeća i dostupni su na uvid javnosti.
- (6) Na sva pitanja o radu komisija koja nisu regulisana ovom Odlukom shodno se primjenjuju odredbe Poslovnika o radu Općinskog vijeća Ilidža.

Član 8.
(Obavljanje stručnih i administrativno-tehničkih poslova)

Stručne i administrativno-tehničke poslove za potrebe komisija izuzev Komisije za planiranje općinskog razvoja obavljat će Stručna služba Općinskog vijeća i Općinskog načelnika.

Član 9.
(Ravnopravnost spolova)

Gramatička terminologija za imenice upotrebljene u ovoj odluci u muškom rodu odnose se na oba spola.

Član 10.
(Prestanak važenja propisa)

- (1) Stupanjem na snagu ove odluke prestaju da važe odredbe općinskih propisa koje su u suprotnosti sa odredbama ove odluke.
- (2) Stupanjem na snagu ove odluke prestaje da važi Odluka o obrazovanju stalnih komisija Općinskog vijeća Ilidža (broj 01-012-21/97 od 20.01.1998.godine).

Član 11.
(Stupanje na snagu)

Ova odluka stupa na snagu osmog dana od dana objavljivanja u Službenim novinama Kantona Sarajevo.

PREDSJEDAVAJUĆI

Pero Šimunović

Broj: 01-02-1373/08-3
Ilidža, 10.07.2008.godine

Obrazloženje

ZAKONSKI OSNOV

Pravni osnov za donošenje ove odluke je član 26. Zakona o lokalnoj samoupravi – prečišćeni tekst („Službene novine Kantona Sarajevo”, broj 22/00) kojim je propisano:

„Općinsko vijeće može osnivati savjete, komisije, odbore i druga radna tijela u svrhu priprema odluka iz njegovog djelokruga.

Sastav, broj članova, djelokrug i način rada tijela iz prethodnog stava utvrđuju se poslovníkom, odnosno posebnom odlukom o osnivanju radnog tijela.”

RAZLOZI ZA DONOŠENJE ODLUKE

Općinsko vijeće Ilidža na 30.redovnoj sjednici održanoj dana 22.05.2008.godine razmatralo je Izvještaj o radu Komisije za predstavke, pritužbe i žalbe Općinskog vijeća i uz jednoglasno usvajanje navedenog izvještaja, Vijeće je na prijedlog ove komisije donijelo i određene zaključke. Jedan od zaključaka Vijeća je da Općinsko vijeće Ilidža izmijeni važeću Odluku o obrazovanju stalnih komisija Vijeća iz 1998.godine, kao i da se obrazuje Drugostepena stručna komisija Općinskog vijeća, kao stalno radno tijelo Vijeća, koju će činiti isključivo diplomirani pravnici sa položenim stručnim upravnim ispitom i dugogodišnjim iskustvom u radu i koji će se imenovati putem javnog konkursa. Sekretar Vijeća, koji po opisu poslova utvrđenih Pravilnikom o unutrašnjoj organizaciji Jedinstvenog općinskog organa uprave izrađuje, između ostalog, i akte kojima se uređuje organizacija i rad kako Vijeća tako i njegovih radnih tijela je realizirajući doneseni zaključak Vijeća pristupila izradi Prijedloga ove odluke.

Kao razlog za donošenje ove odluke, pored navedenog Zaključka Vijeća, je i činjenica koja se sastoji i u analizi dosadašnjeg stanja kada je u pitanju postojanje i djelokrug rada stalnih radnih tijela Vijeća ustanovljenih Odlukom koja je donesena 1998.godine.

Osim navedenog stvorila se potreba da se formiraju nova radna tijela Vijeća, kao i da se izvrše određena spajanja i razdvajanja istih, a u skladu sa donošenjem novih zakona i potrebama jedinica lokalne samouprave.

U toku pripreme ove odluke analizirana su akta općinskih vijeća u Kantonu Sarajevo kojima su obrazovana stalna radna tijela, utvrđen njegov djelokrug, a u toku izrade ove odluke postojale su i konsultacije sa predsjedavajućim, zamjenikom predsjedavajućeg Vijeća, službama za upravu Općine Ilidža, kao i općinskim načelnikom.

Za realizaciju ove odluke nisu potrebna dodatna finansijska sredstva iz Budžeta Općine. Imajući u vidu navedeno dostavlja se Prijedlog ove odluke Vijeću na razmatranje i usvajanje.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKO VIJEĆE



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPAL COUNCIL

ODLUKA
O OSNIVANJU STALNIH RADNIH TIJELA
OPĆINSKOG VIJEĆA ILIDŽA

Nosilac izrade materijala:
Sekretar Općinskog vijeća

Ilidža, juni 2008.godine



Prijedlog

**O D L U K A
O IZMJENAMA I DOPUNAMA ODLUKE O OSNIVANJU STALNIH RADNIH TIJELA
OPĆINSKOG VIJEĆA ILIDŽA**

*Nosilac izrade materijala:
Sekretar Općinskog vijeća*

Ilidža, juli 2019.godine





Broj:
Ilidža,

Na osnovu člana 26. Zakona o lokalnoj samoupravi - Prečišćeni tekst ("Službene novine Kantona Sarajevo," broj 22/00) i člana 28. Statuta općine Ilidža - Prečišćeni tekst („Službene novine Kantona Sarajevo“, broj 33/10, 18/16), Općinsko vijeće Ilidža na _____ redovnoj sjednici održanoj dana _____ 2019.godine, donijelo je

O D L U K U
O IZMJENAMA I DOPUNAMA ODLUKE O OSNIVANJU
STALNIH RADNIH TIJELA OPĆINSKOG VIJEĆA ILIDŽA

Član 1.
(Izmjena člana 1.)

U Odluci o osnivanju stalnih radnih tijela Općinskog vijeća Ilidža ("Službene novine Kantona Sarajevo", broj 25/08) član 1. mijenja se i glasi:
„Ovom Odlukom Općinsko vijeće Ilidža osniva stalna radna tijela Općinskog vijeća Ilidža (u daljem tekstu: Komisije) i utvrđuje njihov sastav, broj članova, djelokrug i način njihovog rada.“

Član 2.
(Dopune člana 2.)

U članu 2. tačka 7. riječi „fizičku kulturu“ zamjenjuju se rječju „sport“.

U članu 2. iza tačke 12. dodaju se tačka 13. i tačka 14. koje glase:

”13. Komisija za sigurnost

14. Komisija za rješavanje zahtjeva za dodjelu novčane pomoći teško oboljelih lica i jednokratne pomoći ženama za sufinansiranje troškova medicinski potpomognute oplodnje.”

Član 3.
(Izmjena naziva i dopune člana 3.)

(1) U članu 3. ispod oznake člana naziv člana mijenja se i glasi:

„(Sastav i broj članova Komisija)“.

(2) U članu 3. iza stava (2) dodaje se novi stav (3) koji glasi:

„(3) Komisije mogu imati članove koji nisu vijećnici u Vijeću, a koji predstavljaju relevantne stručnjake iz oblasti koja je u nadležnosti Komisije.“

(3) Dosadašnji stav (3), (4) i (5) postaju stavovi (4), (5) i (6).

Član 4.
(Izmjene naziva i izmjene i dopune člana 4.)

(1) U članu 4. ispod oznake člana naziv člana mijenja se i glasi:

„(Djelokrug Komisija)“.

(2) U članu 4. stav (1) tačka b) iza riječi “iz nadležnosti Vijeća” na kraju teksta briše se tačka zarez i dodaju se riječi *“i provodi utvrđenu proceduru prilikom izbora, imenovanja, smjenjivanja, ostavke i razrješenja iz nadležnosti Vijeća.”*

(3) U članu 4. stav (1) tačka f) mijenja se i glasi:

“f) sa Komisijom za zaštitu ljudskih prava, predstavke i prijedloge izrađuje i dostavlja Vijeću na usvajanje Gender akcioni plan Općine, koji u saradnji sa nadležnim institucijama i općinskim službama realizuje i o realizaciju redovno upoznaje Općinsko vijeće.“



- (4) U članu 4. stav (2) tačka b) iza riječi:” Statuta” na kraju teksta briše se tačka zarez i dodaju riječi: ”i nakon što Općinsko vijeće donese Odluku o pristupanju izradi izmjena i dopuna Statuta predlaže je Nacrta Odluke o izmjenama i dopunama Statuta općine.”
- (5) U članu 4. stav (2) tačka c) mijenja se i glasi:
„c) prima i razmatra inicijative za donošenje odluka i drugih akata iz nadležnosti Vijeća u pogledu njihove usklađenosti sa propisima koji regulišu navedenu oblast i Statutom općine i u pisanoj formi dostavlja svoj stav nadležnim službama Općine.“
- (6) U članu 4. stav (2) u tački d) riječi “ i utvrđuje prijedloge istih;“ zamjenjuju se riječima “i Vijeću dostavlja svoj stav sa aspekta usklađenosti tih akata sa propisima koji regulišu tu oblast, kao i izrade istih u skladu sa Pravilima i postupcima za izradu zakona i drugih propisa Federacije Bosne i Hercegovine.”
- (7) Član 4. stav (2) tačka f) mijenja se i glasi:
“f) utvrđuje prijedloge prečišćenih tekstova odluka i iste dostavlja Općinskom vijeću na verifikaciju.“
- (8) U članu 4. stav (2) tačka j) mijenja se i glasi:
“j) razmatra godišnji Izvještaj o radu Drugostepene stručne komisije sa ocjenom stanja i prijedlogom mjera i u svom stavu Općinskom vijeću ukazuje na uočene probleme u primjeni općinskih propisa“.
- (9) U članu 4. stav (2) iza tačke j) dodaje se tačka k) koja glasi:
”k) učestvuje u izradi Statuta mjesnih zajednica i u okviru svojih nadležnosti u ime Općinskog vijeća vrši nadzor nad radom organa mjesnih zajednica.“
- (10) U članu 4. stav (2) iza tačke k) dodaje se tačka i) koja glasi:
”i) obavlja i druge poslove iz djelokruga svog rada.”
- (11) U članu 4 stav (3) u tački a) iza riječi “iz oblasti finansija” na kraju teksta briše se tačka zarez i dodaju se riječi “i privrede.“
- (12) U članu 4. stav (3) tačka c) mijenja se i glasi:
”c) razmatra izvještaje o radu i finansijskom poslovanju javnih ustanova i javnih preduzeća kojima je osnivač općina uz prethodno pribavljeno mišljenje nadležnih općinskih službi i Pravobranilaštva Općine.“
- (13) U članu 4. stav (3) iza tačke g) dodaje se tačka h) koja glasi:
”h) u skladu sa Zakonom o koncesijama razmatra zahtjeve za davanje saglasnosti za provođenje postupka dodjele koncesija iz nadležnosti Vijeća uz prethodno pribavljeno mišljenje nadležnih općinskih službi i Pravobranilaštva Općine.“
- (14) U članu 4. stav (5) tačka e) mijenja se i glasi:
”e) razmatra pitanja od značaja za razvoj mjesne samouprave i kroz savjete mjesnih zajednica i nadležnu općinsku službu podstiče saradnju na rješavanju pitanja od zajedničkog interesa za građane.”
- (15) U članu 4. stav (5) tačka f) mijenja se i glasi:
”f) učestvuje u izradi Statuta mjesnih zajednica i u okviru svojih nadležnosti u ime Općinskog vijeća vrši nadzor nad radom organa mjesnih zajednica.“
- (16) U članu 4. stav (5) tačka k) mijenja se i glasi:
”razmatra izvještaje o radu i finansijskom poslovanju i akte javnih preduzeća kojima je osnivač općina uz prethodno pribavljeno mišljenje nadležnih općinskih službi i Pravobranilaštva Općine.“



- (17) U članu 4. stav (5) dodaje se tačka m) koja glasi:
„m) u skladu sa Zakonom o koncesijama razmatra zahtjeve za davanje saglasnosti za provođenje postupka dodjele koncesija iz nadležnosti Vijeća uz prethodno pribavljeno mišljenje nadležnih općinskih službi i Pravobranilaštva Općine.“
- (18) U članu 4. stav (6) tačka g) mijenja se i glasi:
“g) sa Komisijom za izbor, imenovanja i pitanja ravnopravnosti spolova izrađuje i dostavlja Vijeću na usvajanje Gender akcioni plan Općine, koji u saradnji sa nadležnim institucijama i općinskim službama realizuje i o realizaciji redovno upoznaje Općinsko vijeće.”
- (19) U članu 4. stav (7) riječi „fizičku kulturu“ zamjenjuje se riječju „sport“.
- (20) U članu 4. stav (7) riječi “fizičke kulture” se brišu.
- (21) U članu 4. stav (7) tačka c) riječi “ustanova fizičke kulture” se brišu.
- (22) U članu 4. stav (7) iza tačke e) dodaje se tačka f) koja glasi:
“f) razmatra odluke i akte nadležnih općinskih službi o stipendiranju učenika i studenata kao i informacije iz djelokruga rada komisije.“
- (23) U članu 4. stav (7) iza tačke f) dodaje se tačka g) koja glasi:
“g) razmatra izvještaje o radu i finansijskom poslovanju i akte javnih ustanova iz oblasti kulture i sporta kojima je osnivač općina uz prethodno pribavljeno mišljenje nadležnih općinskih službi i Pravobranilaštva Općine.“
- (24) U članu 4. stav (7) iza tačke g) dodaje se tačka h) koja glasi:
“h) u skladu sa važećim Kriterijima za korištenje termina sportskih klubova u JU KSiRC Ilidža sa menadžmentom javne ustanove vrši raspodjelu termina za tekuću takmičarsku sezonu.“
- (25) U članu 4. stav (8) iza tačke e) dodaje se tačka f) koja glasi:
“f) u skladu sa važećom Odlukom Vijeća o jedinstvenim kriterijima finansiranja djelatnosti nevladinog i neprofitnih boračkih udruženja/saveza, Komisija uz stručnu pomoć Službe za boračka pitanja vrši ocjenjivanje projekata boračkih udruženja na osnovu objavljenog javnog poziva i dostavlja prijedlog općinskom načelniku na odobrenje finansiranja projekata.”
- (26) U članu 4. stav (9) u tački f) iza riječi” razmatra inicijative “dodaju se riječi *”koje su obrađene od strane nadležnih općinskih službi“*
- (27) U članu 4. stav (10) tačka a) iza riječi “Općine” na kraju teksta briše se tačka, stavlja se zarez i dodaju se riječi *”kao i u slučajevima kada je to posebno propisano kantonalnim odnosno federalnim zakonom.”*
- (28) U članu 4. stav (10) tačka d) riječi “Općinskom vijeću dostavljat i tromjesečne informacije o svom radu, kao i najmanje” se brišu.
- (29) U članu 4. stav (11) tačka a) mijenja se i glasi:
“a) Etička komisija ima predsjednika i četiri člana koje imenuje Općinsko vijeće na prijedlog Komisije za izbor, imenovanja i pitanja ravnopravnosti spolova i ukoliko u njenom sastavu ima općinskih vijećnika, moraju biti iz različitih političkih partija.“
- (30) U članu 4. stav (11) iza tačke b) oznake “1), 2), 3), 4) ,5) ,6), 7), 8), 9) i 10)” zamjenjuju se alinejama “-”.



- (31) U članu 4. stav (11) alineja peta "jednom godišnje izvještava Općinsko vijeće o svom radu" se briše.
- (32) U članu 4. stav (11) iza tačke c) dodaje se tačka d) koja glasi:
"d) U cilju praćenja i analiziranja rada izabranih zvaničnika općine Ilidža sjednicama Vijeća obavezno prisustvuje po jedan član Etičke komisije, koji nije vijećnik, a na sjednicama Komisija povremeno prisustvuje neko od članova ove Komisije."
- (33) U članu 4. stav (12) oznake stavova "(1), (2), (3), (4), (5), (6), (7), (8), (9) i (10) zamjenjuju se tačkama "a), b), c), d), e), f), g) h), i) i j)."
- (34) U članu 4. stav (12) tačka a) iza riječi "predsjednika" briše se zarez a riječi "15 članova i sekretara" zamjenjuju se riječima "18 članova."
- (35) U članu 4. stav (12) tačka b) mijenja se i glasi:
"b) Općinski načelnik, predsjedavajući Općinskog vijeća, pomoćnik općinskog načelnika za finansije, pomoćnik općinskog načelnika za razvoj, komunalne poslove i puteve i šef Stručne službe za koordinaciju rada mjesnih zajednica su članovi Komisije prema položaju."
- (36) U članu 4. stav (12) tačka e) prva alineja riječi "za period 2008.-2013. godine" se brišu, stavlja se zarez i dodaju riječi "Strateškog plana općine Ilidža i Lokalnog ekološkog akcionog plana općine."
- (37) U članu 4. stav (12) tačka g) mijenja se i glasi:
"g) Članovi upravne grupe su spredsjednik Komisije, općinski načelnik, predsjedavajući Vijeća, pomoćnik općinskog načelnika za finansije, pomoćnik općinskog načelnika za razvoj, komunalne poslove i puteve i šef Stručne službe za koordinaciju rada mjesnih zajednica i odgovorni su za koordiniranje sveukupnog rada Komisije."
- (38) U članu 4. stav (12) tačke h), i) i j) se brišu.
- (39) U članu 4. stav (12) dodaje se stav (13) koji glasi:
"(13) Komisija za sigurnost
a) *razmatra tromjesečnu informaciju o aktivnostima Pete policijske uprave Ilidža o stanju kriminaliteta, javnog reda i mira i saobraćaja na području općine Ilidža i podnosi Vijeću prijedloge za rješavanje problema u ovoj oblasti;*
b) *prati primjenu Odluke Općinskog vijeća o prekršajima protiv javnog reda i mira i na osnovu informacije Policijske uprave o praktičnoj primjeni ove Odluke daje inicijativu za izmjene i dopune iste;*
c) *razmatra Informaciju Službe za finansije o budžetskim sredstvima koje općina Ilidža dodjeli Policijskoj upravi odnosno Ministarstvu unutrašnjih poslova KS, kako bi se poboljšala sigurnost građana općine Ilidža (npr. dodjela opremljenih kancelarija u objektima mjesnih zajednica za komandire sektora, nabavka materijalno-tehničkih sredstava i opreme, instaliranje kamera za video-nadzor na objektima mjesnih zajednica i frekventnim saobraćajnicama na području općine Ilidža), zauzima stav o istom i upoznaje Općinsko vijeće;*
d) *osvaruje saradnju sa nadležnim policijskim organima u skladu sa Zakonom;*
e) *razmatra i daje primjedbe i sugestije o nacrtima zakona kojima se reguliše oblast koja obuhvata djelokrug rada ove Komisije i pokreće inicijative za izmjenom i dopunom propisa iz ove oblasti;*
f) *razmatra prijedloge odluka, akata, informacija iz oblasti sigurnost, koje su u nadležnosti Vijeća;*
g) *obavlja i druge poslove iz djelokruga svog rada"*.



- Načelnik Policijske uprave Ilidža ili lice koje on ovlasti prisustvovaće po pozivu sjednicama Komisije za sigurnost prilikom razmatranja pitanja koja su u nadležnosti ove Komisije.

(40) U članu 4. stav (13) dodaje se stav (14) koji glasi:

“(14) Komisija za rješavanje zahtjeva za dodjelu novčane pomoći teško oboljelih lica i jednokratne pomoći ženama za sufinansiranje troškova medicinski potpomognute oplodnje

- a) Komisija ima predsjednika i četiri člana koje imenuje Općinsko vijeće na prijedlog Kolegija Vijeća, i njeni članovi su ljekari različitih specijalnosti.
- b) Stručne i administrativno-tehničke poslove za potrebe Komisije obavlja Služba za rad, socijalna pitanja, zdravstvo, izbjeglice i raseljena lica.
- c) Komisija je nadležna da:
 - da rješava zahtjeve za dodjelu novčane pomoći u skladu sa važećom Odlukom Vijeća o uslovima, kriterijima i načinu dodjele novčane pomoći u participiranju liječenja teško oboljelih lica sa područja općine Ilidža
 - da rješava zahtjeve za dodjelu jednokratne pomoći ženama za sufinansiranje troškova medicinski potpomognute oplodnje u skladu sa važećim Pravilnikom o uslovima, kriterijima i načinu raspodjele novčanih sredstava za sufinansiranje troškova medicinski potpomognute oplodnje na području općine Ilidža
 - podnosi Općinskom vijeću godišnji Izvještaj o visini dodjeljenih novčanih sredstava iz budžeta općine za teško oboljela lica i sufinansiranje troškova medicinski potpomognute oplodnje
 - razmatra i daje primjedbe, mišljenja i sugestije o nacrtima zakona i drugih akata kojima se reguliše oblast koja obuhvata djelokrug rada ove Komisije
 - daje inicijative Vijeću i nadležnim organima za izmjenu važećih propisa koje su u djelokrugu rada ove Komisije“.

Član 5. (Izmjena člana 5.)

U članu 5. stav (2) mijenja se i glasi.

„Predsjednika Komisije u slučaju njegove odsutnosti zamjenjuje član Komisije kojeg imenuju članovi Komisije na samoj sjednici“.

Član 6. (Izmjena i dopuna člana 7.)

Član 7. mijenja se i glasi:

„Član 7.

- (1) Komisije rade u sjednicama koje se protokolišu i obilježavaju rednim brojem.
- (2) Pozivi za sjednice Komisija dostavljaju se članovima Komisija putem e-maila. Sjednice Komisija se održavaju u redovno radno vrijeme koje je utvrđeno važećom Odlukom o radnom vremenu u Jedinostvenom općinskom organu uprave.
- (3) Sjednicama Komisije obavezno prisustvuje predstavnik Službe za upravu, koja je nosilac izrade materijala, nacrta odnosno prijedloga odluke ili drugog akta koji se razmatra odnosno ovlašteni predstavnik od strane predlagača materijala.
- (4) Ukoliko sjednici Komisije ne prisustvuje predstavnik službe za upravu, odnosno ovlašteni predstavnik predlagača materijala koji su nosioci izrade materijala, nacrta odnosno prijedloga odluke ili drugog akta koji se razmatra, Komisija može prijedlog akta skinuti sa dnevnog reda sjednice.
- (5) Komisije daju mišljenja, podnose prijedloge i izvještavaju Općinsko vijeće o određenim pitanjima iz svog djelokruga, a odlučuju samo onda kada su općinskim propisom ovlašteni.
- (6) Komisije mogu zauzimati stavove o pitanjima iz nadležnosti svog djelokruga ako sjednici prisustvuje većina članova Komisije, a usvajanje stavova vrši se većinom glasova ukupnog broja članova Komisije.



- (7) Komisije donose zaključke iz djelokruga svoga rada.
- (8) O radu sjednice Komisije vodi se zapisnik koji sadrži samo osnovne podatke o radu na sjednici, donesene zaključke i stavove. Svi tonski zapisi i zapisnici Komisija čuvaju se u arhivi Vijeća i dostupni su na uvid javnosti.
- (9) Na sva pitanja o radu Komisija koja nisu regulisana ovom Odlukom shodno se primjenjuju odredbe Poslovnika o radu Općinskog vijeća Ilidža.“

**Član 7.
(Izmjene člana 8.)**

Član 8. mijenja se i glasi:
„Član 8.

- (1) Stručne i administrativno-tehničke poslove za potrebe komisija izuzev Komisije za rješavanje zahtjeva za dodjelu novčane pomoći teško oboljelih lica i jednokratne pomoći ženama za sufinansiranje troškova medicinski potpomognute oplodnje obavljat će Stručna služba za poslove Općinskog vijeća.
- (2) Stručna služba za poslove Općinskog vijeća izrađuje i Vijeću dostavlja godišnju Informaciju o radu Općinskog vijeća koja sadrži i Informaciju o radu svih komisija Vijeća sa brojem održanih sjednica, evidencije prisustva članova sjednicama Komisija sa pregledima pitanja koje su razmatrale Komisije i donesenim zaključcima.
- (3) Godišnja informacija o radu Općinskog vijeća dostupna je javnosti na WEB stranici Općine Ilidža“.

**Član 8.
(Prečišćeni tekst Odluke)**

Ovlašćuje se Komisija za Statut i propise da u roku od 15 dana od dana stupanja na snagu ove Odluke utvrdi prečišćeni tekst Odluke o osnivanju stalnih radnih tijela Općinskog vijeća Ilidža u skladu sa Pravilima i postupcima za izradu zakona i drugih propisa Federacije Bosne i Hercegovine.

**Član 9.
(Stupanje na snagu)**

Ova Odluka stupa na snagu osmog dana od dana objavljivanja u “Službenim novinama Kantona Sarajevo”.

PREDSJEDAJUĆI

Muhamed Omerović



Obrazloženje

a) Zakonski osnov za donošenje Odluke

Zakonski osnov za donošenje Odluke o izmjenama i dopunama Odluke o osnivanju stalnih radnih tijela Općinskog vijeća Ilidža je član 26. Zakona o lokalnoj samoupravi, kojim je propisano:

“Općinsko vijeće može osnovati savjete, komisije, odbore i druga radna tijela u svrhu priprema odluka sastav, broj članova, djelokrug i način rada tijela iz prethodnog stava utvrđuje se poslovníkom, odnosno posebnom odlukom o osnivanju radnog tijela”, kao i član 28. Statuta općine kojim je propisano u alineji drugoj da *„Općinsko vijeće donosi odluke, druge propise i općine akte i daje njihovo tumačenje.“*

Općinsko vijeće Ilidža je od 1998. godine imalo opredjeljenje da pitanja stalnih radnih tijela budu regulisana posebnom odlukom Vijeća.

Općinsko vijeće Ilidža je 2008. godine donijelo novu Odluku o osnivanju stalnih radnih tijela Općinskog vijeća Ilidža (“Službene novine Kantona Sarajevo”, broj 25/08), jer je postojala potreba da se formiraju neka nova radna tijela (Drugostepena stručna komisija, Etička komisija, Komisija za planiranje općinskog razvoja), a istovremeno izvršeno je i spajanje nekih radnih tijela a sve u cilju boljeg funkcionisanja i kvalitetnije obrade materijala za sjednice Vijeća.

b) Razlozi donošenja

Općinsko vijeće Ilidža na 9. redovnoj sjednici održanoj dana 26.10.2017.godine donijelo je Odluku o obrazovanju Komisije za sigurnost kao privremenog radnog tijela (“Službene novine Kantona Sarajevo”, broj 44/17). U skladu sa navedenom Odlukom Općinsko vijeće na 24. redovnoj sjednici održanoj dana 26.02.2019.godine razmatralo je Izvještaj o radu Komisije za sigurnost za period decembar 2017.godine-decembar 2018.godine i donijelo Zaključak (broj: 01-02-851/19-6 od 26.02.2019.godine) o usvajanju ovog Izvještaja, kao i da ova Komisija do kraja mandatnog perioda Vijeća 2016.-2020.godine treba biti stalno radno tijelo Općinskog vijeća, i da je potrebno na drugačiji način regulisati članstvo u ovoj komisiji načelnika Pete policijske uprave Ilidža, a shodno dostavljenom aktu Općinskom vijeću Pete policijske uprave (broj 02/12-49-2421/18 od 28.06.2018.godine). U skladu sa ovakvim Zaključkom Vijeća trebalo je pristupiti izradi dopune važeće Odluke Vijeća o osnivanju stalnih radnih tijela Vijeća, u smislu da Komisija za sigurnost sa svojim nadležnostima bude sastavni dio ove Odluke.

Sekretar Vijeća, koji po opisu poslova utvrđenih Pravilnikom o unutrašnjoj organizaciji Jedinственog općinskog organa uprave izrađuje, između ostalog, i akte kojima se uređuje organizacija i rad kako Vijeća tako i njegovih radnih tijela je prilikom pristupanja izradi predložene Odluke odlučila da važeću Odluku u većem dijelu izmjeni i dopuni, jer se ukazala potreba za istim. Naime od donošenja važeće Odluke Vijeća (2008.godine) u radu i funkcionisanju stalnih radnih tijela Vijeća došlo je do određenih promjena i novina koje su bile uvjetovane donošenjem Odluke o izmjenama i dopunama Statuta općine Ilidža (“Službene novine Kantona Sarajevo”, broj 18/16) kao i nekim donesenim novim Odlukama Vijeća, Pravilnicima koje su Komisijama dale dodatne nadležnosti kao i Zaključkom Komisije za zaštitu ljudskih prava, predstavke i prijedloge. Sve to je rezultiralo potrebom da se izradi jedna ovakva Odluka u kojoj su sada navedene sve nadležnosti Komisija kao i izvršene neke tehničke korekcije a sve sa ciljem da Općinsko vijeće ima Odluku kojom se normativno uređuju sva stalna radna tijela Vijeća i njihove nadležnosti.

U toku pripreme ove Odluke sekretar Vijeća je obavila konsultacije sa predsjedavajućim, zamjenicima predsjedavajućih, predsjednicima i članovima radnih tijela, kao i pojedinim općinskim službama. Radni materijal ove Odluke dostavljen je i svim članovima Komisije za Statut i propise i član ove Komisije Anto Mrnjavac je dostavio svoje primjedbe koje je sekretar analizirala i jedan broj ugradila u tekst ove Odluke.

c) Obrazloženje odredbi Odluke

Član 1.

Ovim članom izmjenjen je član 1. Odluke i predstavlja usklađivanje sa samim nazivom ove Odluke.

Član 2.

Ovim članom izvršena je dopuna člana 2. Odluke i to u skladu sa Zaključkom Vijeća (broj 01-02-851/19-6 od 26.02. 2019.godine) kada je u pitanju Komisija za sigurnost, a Komisija za rješavanje zahtjeva za dodjelu novčane pomoći teško oboljelih lica je formirana Odlukom o uslovima, kriterijima i načinu dodjele novčane pomoći u participiranju liječenja teško oboljelih lica sa područja općine Ilidža ("Službene novine Kantona Sarajevo", broj 5/12) a ova Komisija rješava zahtjeve i u skladu sa Pravilnikom o uslovima, kriterijima i načinu raspodjele novčanih sredstava za sufinansiranje troškova medicinski potpomognute oplodnje na području općine Ilidža. Istim članom je izvršena i mala korekcija u nazivu Komisije za obrazovanje, kulturu, fizičku kulturu i pitanja mladih.

Član 3.

Ovim članom izvršena je izmjena naziva člana 3. u skladu sa nazivom ove Odluke, kao i dopuna istog člana.

Član 4.

Ovim članom po stavovima su izvršene izmjene i dopune prije svega u nadležnostima komisija i to redosljedom:

- (1) usklađivanje naziva ovog člana sa ovom Odlukom
- (2) usklađivanje sa odredbama Poslovnika o radu Općinskog vijeća
- (3) usklađivanje u skladu sa Zaključkom Komisije za zaštitu ljudskih prava, predstavke i prijedloge donesenom na 1. sjednici ove Komisije održanoj dana 3.03.2017.godine. Ovim zaključkom predloženo je da ova Komisija sa Komisijom za izbor, imenovanja i pitanja ravnopravnosti spolova bude nosilac izrade Gender akcionog plana općine Ilidža za period 2017.-2020.godine. Kao rezultat te zajedničke aktivnosti Općinsko vijeće je na prijedlog ova dva radna tijela na 10. redovnoj sjednici održanoj dana 30.11.2017.godine donijelo Gender akcioni plan općine Ilidža za period 2017.-2020.godine ("Službene novine Kantona Sarajevo", broj 49/17)
- (4) usklađivanje sa Odlukom o izmjenama i dopunama Statuta općine Ilidža
- (5) uređeno je detaljnije pitanje podnošenja inicijativa za donošenje odluka i drugih akata
- (6) usklađivanje sa nadležnostima Komisije za Statut i propise i Pravilima i postupcima za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj 71/14), koji su u skladu sa Statutom općine obavezujući prilikom pripreme i izrade prijedloga akata iz djelokruga rada službi jedinstvenog općinskog organa uprave, koje donosi općinski načelnik i Općinsko vijeće
- (7) usklađivanje sa članom 55. i 56. Pravila i postupaka za izradu zakona i drugih propisa Federacije Bosne i Hercegovine
- (8) prijedlog da Komisija za Statut i propise ima novu nadležnost a to je da razmatra godišnji Izvještaj Drugostepene stručne komisije, kako bi se eventualno neki propisi Vijeća mogli mijenjati i na prijedlog Komisije za Statut i propise
- (9) usklađivanje sa Odlukom o izmjenama i dopunama Statuta općine
- (10) i (11) tehničke korekcije
- (12) dodato je javno preduzeće, jer je Općinsko vijeće donijelo Odluku o osnivanju Javnog preduzeća za obavljanje komunalnih i drugih djelatnosti od javnog interesa općine Ilidža. ("Službene novine Kantona Sarajevo" broj 18/15) i to je JP "Ilidža", koje dostavlja svoje izvještaje o radu i poslovanju Općinskom vijeću
- (13) izvršena je dopuna nadležnosti u radu ove Komisija, jer Općinsko vijeće razmatra ove zahtjeve za davanje saglasnosti za provođenje dodjele koncesija u skladu sa kantonalnim Zakonom o koncesijama
- (14) tehnička korekcija
- (15) usklađivanje sa Odlukom o izmjenama i dopunama Statuta općine

- (16) Komisija razmatra i izvještaje javnog preduzeća
- (17) izvršena je dopuna nadležnosti u radu ove Komisija , jer Općinsko vijeće razmatra ove zahtjeve za davanje saglasnosti za provođenje dodjele koncesija u skladu sa kantonalnim Zakonom o koncesijama
- (18) Zaključak Komisije za zaštitu ljudskih prava, predstavke i prijedloge i ovo je obrazloženo pod stavom (3) ovog obrazloženja
- (19) izvršeno je usklađivanje naziva ove Komisije sa njenim nadležnostima
- (20) i (21) tehničke korekcije
- (22) i (23) izvršena je dopuna nadležnosti ove Komisije, jer su dodate nadležnosti koje ova Komisija radi a nisu bile navedene navedene
- (24) u skladu sa Kriterijima za korištenje termina sportskih klubova u JU KSiRC Ilidža ("Službene novine Kantona Sarajevo " broj 10/13) Komisija ima ovu nadležnost
- (25) Odlukom o jedinstvenim kriterijima finansiranja djelatnosti nevladinog sektora i neprofitnih boračkih udruženja /saveza ("Službene novine Kantona Sarajevo " broj 36/09) Komisija ima ovu nadležnost
- (26) tehnička korekcija
- (27) usklađivanje sa Odlukom o izmjenama i dopunama Statuta općine
- (28) tehnička korekcija
- (29) usklađivanje sa raspodjelom komisija između političkih partija
- (30) tehničke korekcije
- (31) brisana je ova odredba, jer Općinsko vijeće razmatra godišnju informaciju o radu svih radnih tijela Vijeća i ta informacija sadrži detaljan prikaz o radu svih radnih tijela
- (32) usklađivanje sa Zaključkom Vijeća ("Službene novine Kantona Sarajevo" broj 22/15)
- (33) tehnička korekcija
- (34) povećan je broj članova Komisije za planiranje općinskog razvoja
- (35) članovi ove Komisije su prema položaju pomoćnik Općinskog načelnika za razvoj, komunalne poslove i puteve i šef Stručne službe za koordinaciju rada mjesnih zajednica
- (36) dodate su nove nadležnosti
- (37) ovaj član je usklađen sa povećanjem broja članova ove Komisije
- (38) tehničke korekcije
- (39) dodata je Komisija za sigurnost sa svojim modificiranim nadležnostima i definisano prisustvo načelnika PU Ilidža sjednicama ove Komisije
- (40) Nadležnosti Komisije u skladu sa važećom Odlukom Vijeća i Pravilnikom, sastav imenovanje komisije

Član 5.

- preciznije definisanje odsutnog predsjednika Komisije

Član 6.

- usaglašavanje sa aktom Priprema za održavanje sjednice Općinskog vijeća (PR-QMS-851-03 Izdanje:2 od 11.06.2018.godine), kao i određene izmjene u smislu preciznijeg definisanja načina rada komisija

Član 7.

- usaglašavanje sa odredbama prijedloga ove Odluke i izmjena da stručne i administrativne poslove i za Komisiju za planiranje općinskog razvoja sada će obavljati Stručna služba za poslove Vijeća, kao i odredba po kojoj Stručna služba za poslove Općinskog vijeća izrađuje i Vijeću dostavlja godišnju informaciju o radu Vijeća koja sadrži i detaljen informacije o radu svih komisija Vijeća i navedena informacija je dostupna na WEB stranici Općine

Član 8.

- u skladu sa članom 57. Pravila za izradu zakona i drugih propisa Federacije Bosne i Hercegovine propisuje se obaveza izrade prečišćenog teksta ove odluke

Član 9.

- propisuje stupanje na snagu ove odluke